

**UGOVOR**  
**O JAVNOJ NABAVCI ROBE**  
**“Nabavka sa ugradnjom trakastih zavjesa”**

**UGOVORNE STRANE:**

1. **FAKULTET ZDRAVSTVENIH STUDIJA UNIVERZITETA U SARAJEVU**, Bolnička br. 25, Identifikacioni broj: 4200672760007, koga zastupa dekan doc. dr. Arzija Pašalić (u daljem tekstu: *Naručilac*)
- i
2. **“MIKADO” d.o.o. Sarajevo**, Braće Mulića br. 65, 71000 Sarajevo, ID broj: 4200672760007, kojeg zastupa direktor Jadranka Muhotić, (u daljem tekstu: *Dobavljač*)

**PREDMET UGOVORA**

**Član 1.**

U skladu sa članom 90. Zakona o javnim nabavkama BiH („Službeni glasnik BiH“, broj 39/14)“ proveden je postupak dodjele ugovora putem direktnog sporazuma. Predmet ovog ugovora je nabavka robe „**Nabavka sa ugradnjom trakastih zavjesa**“, za potrebe Fakulteta zdravstvenih studija Univerziteta u Sarajevu. Ponuda Ponuđača „**MIKADO**“ **d.o.o. Sarajevo**, od 05.04.2019. godine ocijenjena je kao prihvatljiva, i ista čini sastavni dio ugovora.

**CIJENA**

**Član 2.**

Ukupna vrijednost cijene za nabavku i ugradnju robe za potrebe Fakulteta zdravstvenih studija Univerziteta u Sarajevu, prema ponudi Ponuđača „**MIKADO**“ **d.o.o. Sarajevo** od 05.04.2019. godine iznosi:

**2.861,57 KM**

slovima:

dvijehiljadeosamstotinašezdesetjedan i 57/10.

Obračun cijene se vrši po m<sup>2</sup>.

U cijenu nije uračunat PDV. Ponuđač će PDV na ukupnu cijenu zaračunati i iskazati u skladu sa zakonskim propisima, a iznosi 486,00 KM (četiristotineosamdesetšest).

Ukupna cijena sa PDV-om iznosi: 3.348,04 KM (trihiljadetrizotinečetredesetosam i 04/100).

**NAČIN PLAĆANJA**

**Član 3.**

Plaćanje cijene za isporuku i ugradnju ugovorene robe će se izvršiti u roku do 30 dana od dana uredne isporuke i ugradnje ugovorene robe. *Naručilac* će izvršiti plaćanje cijene za nabavku robe žiralno, na transakcijski račun *Dobavljača* broj: 1401011120010436, otvoren kod Sberbank BiH d.d. Sarajevo. *Naručilac* ne prihvata avansno plaćanje i traženje sredstava osiguranja plaćanja.

**NAČIN I MJESTO IZVRŠENJA ISPORUKE I UGRADNJE ROBE**

**Član 4.**

Ponuđač se obavezuje da će kompletnu isporuku i ugradnju trakastih zavjesa izvršiti na adresi Fakulteta zdravstvenih studija Univerziteta u Sarajevu, ulica Stjepana Tomića 1, 71000 Sarajevo.

**ROK ISPORUKE I UGRADNJE ROBE**

**Član 5.**

Ponuđač se obavezuje da će izvršiti isporuku i ugradnju robe najkasnije u roku do 10 dana od dana obostranog potpisivanja ugovora.

Ukoliko se prilikom primopredaje robe utvrde nedostaci na isporučenoj robi, Dobavljač se obavezuje da će u najkraćem mogućem roku o svom trošku izvršiti zamjenu iste odgovarajućom.

## UGOVORNA KAZNA

### Član 6.

Kod ugovora sa naknadom svaki ugovarač odgovara za materijalne nedostatke svog ispunjenja. Ukoliko Ponuđač ne ispuni ugovorenu obavezu u roku, ili u skladu s odredbama ugovora, dužan je Naručiocu platiti za svaki dan zakašnjenja 1%, a najviše 5% od ukupne vrijednosti predmeta nabavke.

## ZAVRŠNE ODREDBE

### Član 7.

Ukoliko jedna ugovorna strana ne ispuni svoju obavezu, druga strana može, ako nije što drugo određeno, zahtijevati ispunjenje obaveza ili, pod uslovima predviđenim Zakonom, raskinuti ugovor prostom izjavom, ako raskid ugovora ne nastupa po samom zakonu, a u svakom slučaju ima pravo na naknadu štete.

Osnovano, tužilac u tužbi potražuje naknadu štete zbog raskida ugovora po kome tuženi nije platio na ugovoreni način dužni iznos u određenom roku i pored poziva tužioca da to učini. Naručilac nema pravo raskinuti ugovor zbog nedostatka djela ako prethodno nije zahtijevao od izvršioca da nedostatak ukloni, osim u slučaju kad obavljene posao ima takav nedostatak koji ga čini neupotrebljivim.

### Član 8.

Na sva eventualna pitanja koja nisu regulisana ugovorom, primjenjivat će se Zakon o obligacionim odnosima.

### Član 9.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova konačno rješenje će donositi Sud u Sarajevu.

### Član 10.

Ovaj ugovor sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

### Član 11.

Ugovor stupa na snagu danom obostranog potpisa ugovornih strana.

**DOBAVLJAČ**  
"MIKADO" d.o.o. Sarajevo



Broj: 31/19  
Sarajevo, 12.04.2019. godine

**NARUČILAC**  
Fakultet zdravstvenih studija  
Univerzitet u Sarajevu

Dekan  
  
Doc. dr. Arzija Pašalić

Broj: 05-2-497/19  
Sarajevo, 09.04.2019. godine